

國家圖書館藏

綫裝書局

中華歷史人物別傳集

光緒五年

旌忠錄

童華敬題



五十六

四明倉基
陳氏印李

敘

倫之外無道道之外無學孔曰
成仁益曰取義讀聖賢書所學
何事此文文山語也觀於此言而
知文山之學不外明倫盡忠尤其

旌忠錄

大彰明較著者也吾鄞恭潔陳
公盡忠前數日夢見文山後果
遂其志則公與文山之學正一
脈相承爾公以忠靖公文介公
文忠公為列祖以屠烈愍公獻

宸為門弟子公之訃自京師歸
諸生設位哭之義師起諸遺民
烈士沒像哭之然後歎公之學
其稟承有自來而傳之其人者
廣且遠矣夫人於戲場觀劇見

旌忠錄

二

有袍笏而演為忠臣者則相與
敬之愛之私心隱迴護之歸而
流連感慨而稱述之况忠臣之
為吾鄉先輩乎余家舊藏有
公絕筆三十七字真蹟余裝為

小幀一時名士咸有題跋歲
丁酉偕同志請於有司措資脩
公娑羅園專祠因獲交公裔孫
石翁祖確且重之以婚姻石翁
嘗撮公之著作并傳誌碑銘及

旌忠錄

三

前後哀輓贈答題詠詩詞彙為
一編名旌忠錄一日持以示余且
曰君家學若與先侍御隱之有
夙契者盍為我引諸篇端余受
而讀之揖石翁而謂之曰余末學

筵陋何敢企公之學於萬一雅然
是錄也殆文山指南集杜諸篇
皆兩間正氣之所存足與日月
河山而並壽者也昔錢忠介後
裔濟恭輯忠介遺集二十卷刻

旌忠錄

四

之今先生是舉亦此志也固公
之幸亦先生之克光前烈者豈
多焉故樂為序之道光己酉
里後學張怒謹序



序

自古有純臣有忠臣宜若純臣
無不忠忠臣無不純者然忠或
激於一時之意氣而純則由於
一念之真誠故忠臣而未純者

旌忠錄

有之矣純臣而不忠者未之有
也若明季殉難御史陳恭潔公
可謂以純臣之心而矢忠臣之
節者矣公世為鄞人系出宋文
介公未公再繼終替族裔茂才

石介先生嘗輯公詩文并採傳誌碑銘贈輓詩詞及各題跋合為一編曰旌忠錄以藏於家迺者諸陳有脩譜之舉出是編重加校訂將以聚珍板印行屬余

迨還朝都城危甚在官者或巧營外差以出公曰果爾天子將孤立乎蓋公於斯時早辦一死城陷之日從容就義安而行之非襲而取之也際我

興朝首舉褒忠之典於是甲申殉難文臣二十人並邀恩命吾浙得六人公其一也賜諡建祠垂光史冊傳示無窮嗚呼足以立天下萬世之臣極

矣豈特為桑梓增重而已哉公
 事跡具詳錄中鄉先輩之表彰
 不遺餘力末學後進何庸復贅
 一詞然大節如公為純臣為忠
 臣聞風而嚮往者久矣今幸獲

旌忠錄

四

觀是編不能無述焉爰書此以
 答諸陳之請并諗世之頌其詩
 讀其書者光緒五年歲在己卯
 夏六月里後學陳勸謹序

旌忠錄

族孫 祖確 石介甫輯

孫 愈峻 五精 增訂

姪孫 愈淵 深源 校字

孫 愈守 道立 編次

姪孫 愈通 達人 補註

曾姪孫 隆珽 笏齋

曾 隆燕 子翼 補註
 孫隆光 藜卿

旌忠錄

總目

曾 孫隆年 壽朋 重校

總目

卷首

遺像

祠圖

墓圖

卷一

明諭祭文 弘光元年

皇朝諭祭文 順治十一年六月

滇中詩稿八十首 後附八首

戊辰選貢祭祖文

巡按四川壬午歸里祭祖文

家信

遺囑

絕命詞

又題後

絕筆三十七字

卷二

旌忠錄

總目

二

明史本傳

浙江通志本傳

附列女傳

甯波府志本傳

附列女傳

鄞縣志本傳

附列女傳

春酒堂文存陳御史傳

明州錄

四明談助

家傳

墓誌銘

高斗樞

神道碑

旌忠祠碑

重建旌忠祠碑

重建數峰閣表忠祠碑記

卷三

陳寶日分俸賦謝

哭陳恭愍公賓日

輓陳侍御姬人時氏

甲申之變陳恭愍偕少姬時氏同日殉難感

全祖望

全祖望

童槐

梅啟照

張庚星

董守論

李芳泰

三

旌忠錄

目錄

而賦此

周元初

再謁陳恭愍公祠并弔時氏

林時躍

哭殉難諸公 同縣陳恭潔公良謨

林時對

甲申秋丹陽舟中遇陳恭愍公柩自北歸感

哭一律

高宇泰

陳恭愍公殉死者爲時孺人敬弔靈輻

前人

八哀詩 故四川道監察御史陳公良謨

旌忠錄

總目

四

過陳忠貞公故居有感

李文續
陸宇燦

八哀詩 贈都察院右副都御史陳忠貞公

哀謨 李鄴嗣

輓陳賓日侍御暨姬人時氏 王藥師

哭恭潔公詩四首 族姪 久登

謁恭潔公墓 黃茂大

壬子八月十四日拜恭潔公墓 無名氏

弔陳恭潔公 無名氏

弔時孺人 無名氏

擬甬上薤露詞 何以獎武陵

全祖望

鄧北雜詩 袁鈞

客遊松江遇鐵峯張先生出示陳恭潔公絕

筆三十七字敬題長歌以誌景仰

俞鴻漸

娑羅園弔時孺人詞 張 鷟

旌忠錄

總目

五

題重摹陳恭潔公像

童 槐

又 沈祖懋

又 張 恕

跋陳恭潔公家信遺囑 范永祺

跋陳恭潔公家信遺囑並錢忠節張忠烈二

公遺札 黃定文

跋陳恭潔公絕筆三十七字 童 槐

又 孫衍慶

又 吳德旋

又 張 恕

跋恭潔公詩文遺稿 族孫 愈駿

卷四

祠祀考


塋墓考

著述書目考

卷五

甲申殉難諸臣考

皇朝上諭





旌忠錄

祠圖

二

墓圖



旌忠錄

墓圖

三

旌忠錄卷一

明諭祭文

弘光元年

皇帝遣官

諭祭殉難四川道監察御史陳良謨之

靈曰昊天鞠謂廟社遺憫龍髯鼎駕箕尾晨星惟爾粹白宅心艱貞煉骨惠敷滇李帝鑒揆畱勞護蜀桐王綸洊錫追趨閭闔誓一死以殉君屹砥河山捐七尺而報國遙辭烏鳥之養淚灑萱闈頓息熊羆之占血凝簋室興言憫悼用示優崇爾靈有知尙克歆承

旌忠錄

卷一 諭祭文

皇朝諭祭文

順治十一年六月

皇帝遣官

諭祭故明御史今賜諡恭潔陳良謨之

靈曰致身報主者人臣之大節褒忠揚烈者盛世之隆恩事雖異乎兩朝勸尤彰於一代爾故明御史陳良謨賦姿英偉醞德貞方宿秉丹心勁氣重蘭臺之望久標清譽亮懷著驄馬之名迨寇陷都城投繯其惜文章偕節氣並垂學術與綱常同重爰賜祭壇載頒嘉謚嗚呼芳流彤管光增日月之輝碧化黃墟氣壯河山之色爾靈有知尙克歆饗

旌忠錄

卷一 諭祭文

二

滇中詩稿

謹按聞性道鄭縣志云恭潔公工詩而人不知其能詩爲未及見其詩也向年林端節先生苦搜孤忠著作幸獲詩刻一殘本乃官雲南大理時所作鈔存正氣錄中此外絕無副墨而正氣錄亦屬藏書惜公之嫡嗣無復望其爲公刊布雖有風雷之冥護恐終沒於六丁之下取是詩無復能廣傳矣惟邑誌乃公帙可以廣傳可以垂久性道特備錄於茲不

旌忠錄

卷一 滇中詩稿

三

僅爲藝文生色庶幾流覽者得以共傳恭潔公之遺音焉

暑月餐雪

香巖降王母陰崖蕊宮畱我來點蒼下悄恍崑崙遊
奇峯拱太乙高河懸瀑浮丹邱滿白雲清風時颺颺
况有翠屏雪山靈給人求四時無寒暑更生三伏秋
條然忘宦况寒香天際流

臣心自如水旦夕惟飲冰熱豈因人至寒將隨地凝
須知味清白非藉解炎蒸耐咀蒼山雪孤貞誰與矜

憂旱四首

旬晴溪雨從來記今歲秧黃時已遠疊疊魚鱗愁火
種哀哀鵠雁望雲歸渴覓平野移椿沒晚日高原傍
鏡飛何事歲星流虐饑水將毀也木將饑
昨年早雪歲無收黍稷相將珠玉求祇仰昊天悲喪
亂復堪烈日暴田疇隨車空有景山慕儒父何如諒
輔憂欲繪子遺多菜色敢言太甚魃爲尤
議派議增無日息南中財力竭佳兵民租有逋元連
命農事無常又輟耕雷部似從羲馭制風輪偏御祝

旌忠錄

卷一 滇中詩稿

四

融行如何未下窮簷玉赫赫如焚滿路忤
十九峯前水滿溪黃龍黑龍水中棲每聞入夏龍淵
吼何莫於今溪雨迷豈爲蚩尤行酷令難言炎威守
災黎雲霓望切頻翹首又見山頭紅日西

點蒼卽景次姜侍御韻

金馬碧鷄西沮海翻無底上撐驚嶺十九峯蒼蒼萬
點芙蓉起鏤銀屏幃如龍蜿蜒六月陰森飛寒鳶沁入
奇石白成玉日暖能生五色烟和山異葩十二葉隨
時開落山靈饒增辦原來是閨年直羞倒縮黃楊莢

西飛皓魄射榆川兩山夾處影落泉剖出蚌珠涵寶
鏡夜夜光浮玉案前怪殺箕星旺春魄顛狂蔑原伊
誰摘倒掀蒼溟拔喬松聲如驅兵出秦壁使君乘驄
萬里觀動搖山岳鬼神寒夜靜龍關生異氣金錢玉
螺現海灘滿地雲霞掃不去長對流虹送夕餐

青華洞次姜侍御韻

蜿蜒嗟咥籙奧窅開雲際非關斧鑿痕神鬼殢羶勢
空敞來狂箕簸揚風塵袂側身望天窗萬古穹窿睇
抱石怒蛟龍空虛應粗厲險怪幽且深遊展縻糠銳

旌忠錄

卷一 滇中詩稿

五

天外搖青華身與烟霞鰥

雪蕉軒次姜侍御韻

結得高軒傍古榆槎回天漢使星居窗西碧雪浮堪
案墻外甘蕉種可書生意時時供彩筆新詩字字過
黃初石牀臥看朝來爽摩詰當年畫不虛

鼉采樓次姜侍御韻

曉經坡上雲收日晝卦臺前雨霽時山近不遶千里
目海寬常見百年思杯浮琥珀招黃鶴竿拂珊瑚釣
白螭從此登臨邊計好蘼蕪滿地綠蠻碑

聽玉亭次姜侍御韻

依石眠雲迴午夢鳥啼花笑極幽探却愁秔稻都栽
酒還喜肥饒不種藍龍尾風搖聲似玉蝦鬚天捲靜
如龜揮來彩筆花開夢引得香浮鶴跡南

望南北城外諸刹浮圖

輪王當日分封地蘭若三千可徧參尙有飛鵬唐世
塔絕無捫蝨道人菴雲間梵影環孤堞松下經聲出
兩函最喜諸峯齊檻下日搖碧玉作朝簪

贈總戎王明石

旌忠錄

卷一 滇中詩稿

六

香生俎豆領貔貅一劍登壇報國仇風雨筆酣今祭
酒甲兵胸老古諸侯月明黔路河山淨夜冷蠻溪草
木愁碣石青天功德永漫言銅柱獨千秋

贈都閫陳以牧

廿載黔烽未息烟龍場孤旅賴籌邊黑旂雲捲豺狼
遁黃石風高虎豹連營結三奇翻兔窟功成雙臂作
壁縛蟲天更看彩筆搖邊月談笑封侯萬里還

贈大理守林斗樞入覲

五馬乘黃飛蹀躞歌罷鼓聲三疊點蒼撐出青芙

蓉片片浮來琥珀濃使君萬里登帝闕袖攜清風胸
貯月兩關此日秋色深甘棠陰鬱碑似林赤藤古杖
扶耄耄盡脫蠻氍毹君轍六詔爭傳鄭俠行不繪流
離繪太平玉堂仙酒彩虹飲雪山傾時欽神品山空
海闊蒼生看黃堂夜夜青天寒千秋意氣同明電琉
璃肝腸冰鐵面上書剗切赴平臺指點西南雲霧開
笑解吳鉤吼欲怒何時風雨延津渡

寄懷我白兄時守臨安

雙鶴橋邊花滿溪春風吹夢曲江西路隨丹嶂烟塵

旌忠錄

卷一 漢中詩稿

七

遠思入青天河漢低漫道文章酬聖世已聞功業徧
雕題伫看再會滇池上搔首連牀聽碧雞

行經繡嶺

仄徑鬱盤紆陰森木石疇繞谿雲出岫逾澗葉飛颺
險峻王陽坂幽奇摩詰圖嶺前來返照回首點蒼孤

蒼山十九峯

點蒼奇麗甲宇內志櫟榆者以玉斧畫置不
獲列洞天福地爲恨余讀南中載記喜多名
公鉅筆爲此山開生面大都賦詠勝槩其十

九峯之奇自斜陽訖雲弄未經一一摹畫亦
千古闕事公餘各拈一律聊識萬里所見以
謝山靈云

斜陽峯第一

參差碧落繡芙蓉迎望青青第一峯截臬乍驚山出

驚盤回旋訝岫飛龍陣雲斜捲瑯一作雕弓抱屏靄環

拖玉帶封疊嶂奇觀觀未盡迴光滴翠嶺頭松蒼山

驚山有上下兩關名龍首龍尾斜陽其龍尾也山形屏列如弛弓內抱山腰時有白雲橫亘昔人詩云天

將玉帶封山公

旌忠錄

卷一 漢中詩稿

八

馬耳峯第二

鴻濛劈破礪風礪一作鏤削就奇峯馬耳瞻玉勒嶺齊

騰萬仞金甍壁舉競雙尖聞雷影動奔虹俊聽瀑寒

披皎雪銛知有山靈飛挾翼空中昂首絕塵纖

佛頂峯第三

蘭若遙分天竺勝蓮蒼直上聳霄崢輕浮雨後青於

染濃抹晴空翠若擎羅漢遠參開石壁金剛近護幻

層城峯前秀色香雲郁千仞菩提耀太清點蒼一名蓮蒼志稱

天竺有三千蘭若茲得其半羅漢壁在雞足山與蒼山相對金剛城蒼山古蹟也在佛頂峯麓

聖應峰第四

不是名山奇跡疏誰云宇宙總蘊蘆樵溪月照三潭
曲禹穴天開四載餘風起文鸞想鳳翥雲生翠袖看
龍嘘此中靈境纖塵絕五岳分符太古初樵溪即青
壁溪有上
中下三潭
南石壁有禹穴二字後
人所刻南詔時僞封蒼山爲中岳

馬龍峯第五

千尋岡上驟驕驪影落蒼蒼天馬留翠嶺霄齊風鬣
動蜿蜒地絕雨鬃浮五華路關孫陽遇又駿山迴周
穆遊誰是行空登絕頂應知四顧徧神邱五華樓名
在郡城
中

旌忠錄

卷一 滇中詩稿

九

玉局峯第六

綠溪積玉映崐崑石壁欹崎五色開古木雲連人跡
絕高河天半鳥飛回寶光璀璨神仙窟麗景含舒金
碧堆更有琪花元圃盛鋪瓊流月仰瑤臺峯左爲
玉溪峯頂
之南有高河即漢書所稱焉河石壁
盤削奇木交加忽有墜葉鳥即銜去

龍泉峰第七

列嶂騰空翔鳥翼危峯插漢耀龍泉磨崖椒雨崆峒
洗奔嶽松檜華嶽遷鷄足平分山上月馬簾倒捲水

中天漫誇洱海兵藏萬飛嶸雄奇雲霧穿志稱蒼山
屏列如大
鳥連翼將翔峯各夾澗瀑懸山椒馬簾洲爲洱河
四川之一水東石壁有刻字云此水可當兵十萬

中峯第八

誰劃蒼穹列翠屏中峯濃染送高青崑崙南下益州
部越嶲西臨太白星古雪懸崖留佛鉢異香深谷聚
仙輶洞天別有南中記玉斧曾無驅五丁大理在西
漢爲益州
部太白星主益州釋迦入西洱證如來位本山即說
法華經處峯半有香巖峯左有王母坪洞天福地記
南中見遺以宋
祖玉斧畫象也

觀音峯第九

旌忠錄

卷一 滇中詩稿

十

邪龍谷口聳嵯峨瑞鶴乘風下綠坡古蹟靈存空色
相巍峯指豎散天魔雨銅花積千巖滿廢石身翻莖
草多彼岸繇來難躡級惟懸絕頂印青螺邪龍始
雙鶴行何尾以引居人觀廢石在上陽谷口與七化
古蹟並傳崇聖寺有兩銅觀音像婦貢石在城南十
里大士所化
以漢兵者

應樂峰第十

蓬萊九炁萬峰低遮莫南天蒼壁齊玉柱崢嶸搖塔
影蕊宮爛漫滿雲溪靈通海上仙人樂路接山頭太
乙梯夜聽鈞天幽帝釋千尋瀑布落玻璃峯下崇聖
寺前有

塔峯左爲隱仙溪漢書載著山似拱風太乙峯半舊
有帝釋寺即昔人夜聽仙樂處瀑布泉在隱仙谿上

雪人峯第十一

立雪如人據嶺端
窺城市衆峯攢千年石骨中天
老一片冰心六月寒
華頂晶函霏玉屑峨眉瓊樹眩
珠玕西窗忽見朱霞映
錯認嵯峨山子細看

蘭峯第十二

天風吹下紫霄芬
馥郁蘭蓀滿白雲
灌木薜蘿山人
畫綉苔蘚石生文
曉經慧日當峯照
救疫靈泉落
礪法不是幽芳移
九畹妙香城上散
氤氲曉經坡救疫泉俱在

旌忠錄

卷一 眞中詩稿

十一

峯腰妙香城著山古蹟
志稱佛與觀音傳道處

三陽峯第十三

陽和輪轉自天南
拱揖扶桑驚嶺參
風孔何年吹暖
律石封此地現優曇
氣勻四序春光住
山湧三陽泰
運舍人說此中稱樂土
峯頭白雪掛晴嵐
風孔一名風輪在北

峯茂原之上石封即戮魔石
蒼洱氣候冬夏無嚴寒烈暑

鶴雲峯第十四

嶙峋翠壁天邊出
玉女高開碧漢窗
華表遺踪歸絕
嗽慶都餘瑞繞名邦
彩分石潤祥雲五
奇擁岳翎白

鶴雙覽勝弗嫌仙
馭杳眠雲弄鶴我心降
志記祥異有彩雲如綺又有仙鶴下集翅如車輪峯下有鶴雲寺則以二仙乘雲鶴來石上圍棋得名

白雲峯第十五

王母西來道路遙
白雲飛馭到山椒
逶迤香散瑤池
曲杳靄光騰蒼雪
蕉白里卷舒橫截
玉千尋縹緲臺
飛綃素疊巘松濤
壯共聽琅璈奏九霄

蓮花峰第十六

十丈曾開玉井葩
何如驚嶺繪蓮花
芙蓉峰簇南天
雪函蒼山披西域
霞冉冉香風飄貝
葉亭亭清露浴

旌忠錄

卷一 眞中詩稿

十二

金沙輪王千載靈根淨
舍利浮空現法華
唐時詔天求舍利及貝葉經西域驚峯即點蒼也金沙江一名若水在蒼山東北輪王即阿育王爲白國鼻祖

五臺峰第十七

石壁巔屹星斗侵
五臺積玉五峯陰
青巔俯揖烏龍
伏黃旒傍迎赤佛
臨瀑濺萬花幽鉢
窟窟雲漫千尺聖
巖欽名山未許凡
蹤到迦葉傳衣入
碧岑青龍黃旒俱山名在蒼山四面萬花溪在峯右

蒼琅峯第十八

玲瓏白國點蒼瑤
沾染天邊風雨痕
松柏巖頭新日

月琅玕堆裏老乾坤翠嵐嶂疊玄猿嘯青靄霄縣神
虎蹲千古不磨多寶色此峯應屬萬峰尊志稱東漢建初年間
點蒼山有神鹿兩頭

雲弄峯第十九

看徧奇峯龍首雄迴翔龍尾日飛冲天連樹色晴嵐
嫋水接山光烟黛蒙堪想襲巫雲出峽可知姑射氣
凌空霞移海上通三島花舞關前雪月風龍首關在峯前此處山海相接霞移溪名在峯右洱海中有十洲三島和山花左與雪月風稱蒼山四景

家慈誕日賦懷時任榆之三年

旌忠錄

卷一 滇中詩稿

十三

北闕承恩命馳驅何間關北堂辭板輿依依淚潛潛
陟屺遊子懷倚閭慈母顏母曰嗟予季孤征在百蠻
母子分東西歲月三往還鯨鯢掀海颶如何黑水灣
豺狼吼孔道爲間昆彌山一官能盡職萬里莫言艱
吾想吾母顏一作言夢魂繞霜鬢菽水將不遑職守敢
徒一作從閒炎荒多毒草庭階日日剛喜見瘴烟淨萱
花清晝斑上有祥雲覆五色映斑斕

范無畫賦詩爲老母壽次韻以謝

白雲每望依青嶂紫電新驚絢彩毫賦就蓮開玉井

藕詩成果實蓬萊桃捧檄情深當舞袖輿想落對
征袍感君勸我勤劬報榆水悠悠萬里勞

毛子茂賦詩爲老母壽次韻以謝

嘗隨清夢赴高堂細說離情萬里荒南北一身周道
迴東西兩地岷思長九熊夜課千秋月封鮓寒浮六
詔霜此日誰憐遊子意新詩句句聽風篁

陳茂叔賦詩爲老母壽次韻以謝

昨夜祥光明李署朝來麗藻爛萱葩敢將冰宴羞三
祝未有丹砂獻九霞行役旋車仍逆旅思親迴夢又

旌忠錄

卷一 滇中詩稿

十四

天涯懷歸誰解門問盼幸有高詞映物華

定南歌贈陳以牧以黔功晉秩蔭總戎雲南

黔陽封狐昔年雄萬山惡苗吹腥風蠟書告急羽書
疾祇火燒廟滿地紅君提孤旅龍場駐黃雲壓陣擊
蜈蚣旗搖黑片高出鳥膽落蠻箐制毒蟲有晉南天
亦稽討移師折臂銷莫戎腰橫青萍袖黃石指點金
碧窺青銅隱然長城壓萬部武侯又出滇池東白蠻
黑爨羅施鬼休兵解甲車書同海上轅門久不閉太
平立致誰之武功在黔滇推第一懋賞相延世澤隆

載錫節鉞總六詔劍倚太華磨芙蓉雅嘯漏天春雨
細壯氣噴薄驚蛟龍隨何絳灌之文武貯君鑾腹兼
虎胸南方從此長定矣我歌定南誌螺峯一朝事業
酬百代帶礪河山鑄鼎鐘還看東北借勝算坐令萬
里起侯封

高參藩母何吳二太夫人雙節歌

黔陽潛夫古商瞿高祿不靈長歎吁有母維何志宗
祧脫簪鬋珥進貳吳吳琴何瑟調不妒石麟三誕天
有無未幾黃鵠悲中道吳抱鸞釵御冥途生死大節

旌忠錄

卷一 滇中詩稿

十五

誰爲易慷慨之氣埋頭顧卓哉何母能善後敗幃殘
燈伴弱雛風鬟雨鬢百荼苦實婆霜華映玉壺晝荻
九熊竭心志鳳毛養成慰黃壚天風吹翼健先舉扶
搖起者二丈夫二丈夫子伯與仲陳情銜血天門呼
綸音褒異應聲得朝野爭傳雙節圖君不見中河汎
柏心無二皦皦矢死堅如鐵又不見當年魯國有義
姑棄兒存姪兩存孤存孤矢死恰相似爭如高門二
母有孝烏兩兩飛鳴金碧上勲業相將赫帝都

又七律二首

奇節當年二母逢孰難孰易各從容千秋貞烈殉夫
逝百世綱常立女宗烏歷風霜情泣草鳳銜雨露籠
滋松榮裏已吐男兒氣慈孝兼看鑄鼎鐘
貞心共結敢言難生死誰能先後看地下金釵埋雨
雪人問玉樹長琅玕名從翰墨題應徧情寄綵綸血
未乾獨有夜臺雙月古懷清猶傍九霄寒

次何憲副韻賦別

甘棠初種已成林綠蔭垂垂雨露深乘傳遠來違世
眼拂衣暫去奉綸音謝安居聖元成昔李泌還山又

旌忠錄

卷一 滇中詩稿

十六

在今從此一身生羽翼興圖廣大有遐心
使節天邊賦倦遊彩雲盡擁碧山頭野心未許飛黃
鵠壯志還期副絳騶雨露天高應早沐瘴烟地遠豈
長畱暫時分手驪歌動腸轉車輪一萬周
聲名今已重西陲漫說當年去後思碑在口邊原不
立祠成心上定難移豈無甘雨隨車澤更有清風大
厦尸聖主憂滇應沛命伉看節鉞慰民咨

謁李中憲公祠堂歌

公騎雷霆下鴻濛句章頭角稱猶龍躔奎踏壁氣更